

# Petro

## Ɔwulú Gyankpapo

### Itsiáha

**1** Ɔwulú ánfɛ itsú mí Petro ání ngɛi Yesu Kristo \*sumbí ɔyɔpú wá.

Nde mú wanlín sísí mli ahá ání Bulu lalé bwé mu abí, mlɛladásáin yɔbwɛ afɔ́w Ponto, Galatia, Kapadokia, Asia yédalɛ Bitinia ɔmátɔ́ fée. 2Ɔsí Bulu lalé mli fé alɛ ámú ɔlehíɛ mú yáí ání íbá mótɔ́ ámu. Bulu latsun \*Ɔɛ Wankíhé amusu bwé mli mu ahá, méni mlóbu Yesu Kristo, mu obugya é íbɔgyɔráa mli.

Bulu ɔhíɛ gyi mli buale, ɔha mli iwilwii tsɔtsɔtsɔ!

### Ɔkpakí Ání Imɔ́ɔbwe Kpaali

3Mliha akanfɔ Bulu. Mugyí anɛ Wíɛ Yesu Kristo mu Sí pú mu Bulu ní. Mu nwewúun kpɔnkpɔnkpɔntɛ ámu su alakúsúa anɛ Wíɛ Yesu Kristo tsú afúlitɔ́ pɔ́há anɛ nkpa pɔpwe. Ínu lahá anɛlanú iwiasɛ ání anɛ ɔkpakí mɔ́ɔbwe kpaali. 4Mú su anɛ ansídun ání anɛ íbɛ bédá siadɛ yílé ámú Bulu léhɛ ání ɔbɔpɔhá mu abí ámu. Alalá mú yáí ɔsúsú wankláán há mli, atɔ́á itamayíntá, itamaplɔ́, itamakpá é. 5Siadɛ yílé ánfɛ igyi mli ahá ámú mlɛlahogyi amu klé. Mli hógyi su Bulu túmi bun mlɛsu, ide mlɛsu kí alɛ yɔ́fun atɔ́ fée nkpa ɔhóke ámú Bulu lalá yáí ání ɔbéɛ mú ɔwan ɔyí ɔnɔmɔké ámu.

6Íbu mótɔ́ ání ísókɛ ɔtsan-ɔtsan ide mli tu, mlɛdé asún wúun, táme itɔ́ ánfɛ mli ansídun mósú ánfɛ su ansí mɔ́kúsí mli gyí. 7Tɔ́á suá mlɛdé asún wúun gyí, mú obósuná ání

mlalaho Yesu gyi lélé ní. Tó butótó sika pepe ání utetálí yíntá kúráá kí bee, wankláán igyi. Alí kén bópu asun wunhe so mli hógyi ání ibu labi dun sika pepe kí bee, lélé mlalaho Yesu gyi, ménu mlétalí líí kínkín ní. Ubá alí á, békanfú mli, wá mli numnyam, há mli idayilé eke amúú Yesu Kristo óbéle iwí owan ámu. <sup>8</sup>Ibu mótó ání mli mókúwun Yesu kí, táme mli tódwé mu. Mli méné mu wúun mú, táme mli dé musu hógyi. Íni su ansigyí kponkponkponnti ání ónó méetalí bí labúlá mli. <sup>9</sup>Tsúfé mli dé mli nkpháwó amúú mlénya tsú mu hógyito ámu nya.

<sup>10</sup>Bulu ónósú atópú amu beblí nkpa ání Bulu óbóho mli ání asún tswi. Betetéé mu awitole asún ánífú wankláán, ménu bónu mú así. <sup>11</sup>Kristo Óhé letsiá Bulu ónósú atópú anífú, tsíá súná amú, beblí yáí alíá Kristo obówun ipian. Mú óma a, numnyam kponkponkponnti béba. Mú su besen ansító ání bébí bréá nkpháwó aní íbéba pú óhá oduá íbótsun musu ba. <sup>12</sup>Bulu léle súná amú ání megyí amú só bude asún ámu ókan da, mboún mli su bude mú ókan da. Séi mú mli lanú asún ámu. Tsúfé Bulu lówa mu Óhe Wankíhé tsú ósús bebláa \*asun wankláán ámu ókan adapú alí asún ání, amú é beda mú ókan súná mli. Bulu-abópu kúráá ansí tepé ání bónu alí asún ání así.

### Iwítúntó Tsíá

<sup>13</sup>Íni su mli da iwí su amlíkita iwí. Mli pu mli ansí féé duka awitole amúú Bulu óbówa há mli ekeá aní Wíe Yesu Kristo óbékplí tsú ósús bele iwí owan ámusu. <sup>14</sup>Mli bu Bulu fé alí amúú nyebí butobú amú akwípú amu. Mli máha tsiátó laláhe amúú iletsiá mli tó bré amúú mli méyín tó tó tsú Yesu iwí ámu igyi mli su. <sup>15</sup>Mboún mli ha mli iwí utun mli bwehé féétó, fé alí amúú Bulu amúú óletí mli ámu iwí létun amu. <sup>16</sup>Tsúfé ówanlín wá Bulu asún ámu tó bee, “Bulu óbéé, ‘Mli ha mli iwí utun, tsúfé mí iwí létun.’ ”

<sup>17</sup>Mgyí óhá ání mli tetí mli aa, mli Sí ní mli dé mpái bó ní. Ótamakí óha ansító ní óde ahá asún gyí. Mboún óhagyí óha bwehé ótópúgyí mu asún. Mú su mli pu Bulu-ífúnya bwe mli

bwehé kugyíku nke tráhe anfi ilasí mli ɔyí ánfɔ. <sup>18</sup>Tsúfé mlyin t́á ɔɔpuká mli nwunsu ɔkɔ, há mlilagyi iwɔ tsú mli anáin amándíé laláhe ámúú iletin mli ɔkpa ámúú. It́ó ámúú ɔɔpuká mli nwunsu ɔkɔ ámu megyí fé sika pepe móa sika futútú ání utetálí yíntá. <sup>19</sup>Kristo obugya ání ihíé bu ibiá ɔɔpuká mli nwunsu ɔkɔ ámu. Kristo gyí fé \*okúfabiá ɔɔɔun ha mbusuo kugyíku le, piná kuku ma mu iwɔ. <sup>20</sup>Asa Bulu lóbwe ɔyí á, ɔlehíé t́á ibéba Kristosu yáí. Mli śú Bulu lalé mu súná bré tráhe anfi. <sup>21</sup>Kristo lahá mlilahɔ Bulu gyi. Bulu lókúsúa mu tsú afúlitɔ, wá mu numnyam. Mú śú mli ansídɔn Bulusu, mlidé t́á alahíé ɔkpa kí ni.

<sup>22</sup>Mlilagyi d́nká ɔɔkwali ámúú ɔbu Kristo ɔ ámusu. Mú su mlilatɔn mli iwɔ há Bulu, mlidé aba dwe fé apió. Megyí ansítɔ-ɔdwe mlidépuhá aba. Mlyɔ mósú amlidwe aba wankláán tsu mli kluntɔ. <sup>23</sup>Bulu lakwíí mli pópwe. Megyí nyankpusa ání oméetsiá nkpa wá ɔpású ɔɔtsun kwí mli. Mboún Bulu asún ámúú ɔbu nkpa, ɔbu unu bré féét́ ɔ ámusu ɔɔtsun kwí mli. <sup>24</sup>Bɔwanlín wá Bulu asún ámúú beɛ, “Anyánkpusa bugyi fé ifá. Amú numnyam é igyi fé ifá ntswítswi. Ifá towú, mú ntswítswi t́ɔbú kpákpáa, <sup>25</sup>táme aní Wíe asún ámu mú bu unu bré féét́.”

Asún ánfɔ gyí asun wankláán ámúú mú ɔkan adapú beda súná mli ámu ni.

**2** <sup>1</sup>Mú su mlile agywun laláhe kugyíku le mlɔ. Mlumátrá mlé aba, ntée bwé apinabwebí. Mlumátrá pe ansí abasu, ntée tsii aba. <sup>2</sup>Mlibwe mli iwɔ fé nyebí ɔɔbwe, amluha Bulu asún ámúú iletin, t́ɔt́ mefráa mút́ ámu idinka mli ɔwólí brégyíbré, fé alí ámúú nyópu-ntsu tedínká nyebí ɔwólí amu. Méni ibéha mlédan, nyá nkpahɔ́ tsú Bulu wá. <sup>3</sup>Mlilakápú aní Wíe amu kí, mlilawun ání ɔbu awítɔle.

### Akristo ɔ Babwé Aha Pɔpwe Há Bulu

<sup>4</sup>Mú su mlíkpuke ba aní Wíe Yesu Kristo wá. Mvgyí nkpa Owíe ni. Kristo gyí fé ibwiá ahá bekiná mú ání uma labi, táme Bulu léle mú ání ɔbu labi mu ansít́. <sup>5</sup>ɔ́jé́t́ asún nebá beblí á. Mliba Bulu wá bré ánfɔ mlibu nkpa ánfɔ, ɔbwe



gyí. <sup>14</sup>Mlibu ɔ́má sú akípu amúú ɔ́má ɔ́kparú lalé ɔ́bée, bubíti lakpan abwepú isu, abukanfu yilé abwepú ámu. <sup>15</sup>Mlibwe yilé puka asun laláhe amúú aha mimláhe buteblí mábí su tsú mli iwí ámu itin. Tsúfé ɔ́kpa ánfísu Bulu déklé ɔ́bée, mlibwée mú ní. <sup>16</sup>Mltsia nkpa fé ahá ání butsie iwísu, táme mli mápu mli iwísutsiá ámu tin ansíbi bwé lalahé. Mboún mltsia nkpa fé Bulu asúmpú. <sup>17</sup>Mlibu ɔ́hagyíɔ́ha, amlidwe mli aba ahógyipu. Mlinya Bulu ifú, amlibu mli ɔ́má ɔ́kparú.

### Asúmpú lwiasibá

<sup>18</sup>Nkpábi, mlinya mli awíe ifú, amlipu obú ha amú. Megyí amúá bolwíí, bubu awítóle há mli nkule. Mlibu amúá bubu owuntólun mlisu é. <sup>19</sup>Ní ileba mótó ání behá mlowun iwíwísin kuku kpaali, táme Bulu sú mlotomi hɔ́ mú faan a, Bulu ansí bégyi mli iwí. <sup>20</sup>Labi mɔ́mu ibu ní fatomi, badá fú fú lakpan su? Kuku ima mótó. Táme ní fɔ́bwé yilé asa fotomi beda fú á, Bulu ansí tegyi fú iwí. <sup>21</sup>Asun wunhe ánfí aná su Bulu létí mli ní. Tsúfé mli su Kristo onutó é lótomi tsun asun wunhetɔ́ púbwé mfántóhún há mli, méni mli é mlótson mósú. <sup>22</sup>Bɔ́wanlín wá Bulu asun wanlínhé amutɔ́ bee, “Ɔ́mɔ́bwe lakpan kuku. Ɔ́memlé ɔ́haa é.” <sup>23</sup>Besia mu, mu mú omesia ɔ́haa. Bréá ɔ́de ipian wúun a, ɔ́meká ɔ́haasu, táme ɔ́ɔ́pu mu ansí dínká Bulu, asún ogyípú ɔ́nɔ́kwalipu amusu. <sup>24</sup>Yesu Kristo onutó lóhɔ́ aní lakpan féé súra, beda mu mántá \*oyikpalíhe amusu, méni abégyi iwí tsú aní lakpantɔ́, tsíá nkpa há yilébwé. Tsúfé bɔ́wanlín wá Bulu asún ámutɔ́ bee, “Mu iwí nlo ámutɔ́ mli lénnya mli ulɔ́tsá.” <sup>25</sup>Tsúfé mligyí fé akúfa fwhé, fé alí amúú bɔ́wanlín wá Bulu asúntó ámu. Táme séi mú á, mli layínkí bá mli buo Yesu, mli ɔ́klásu ɔ́kípu pú mu ɔ́kparú ámu.

### Akúlu Múa Aká

**3** <sup>1</sup>Atsi, mlibu mli akúlu alí kén, méni ní amótó aku bumɔ́hɔ́ Bulu asúnsú gyi kúráá, bowun mli tsiátó a, íbétse amú, megyí mli obétepi trá bláa amú asvansu. <sup>2</sup>Tsúfé bówun mli tsiátó wankláán pú alá mlitehíé bú ató. <sup>3</sup>Mli

alé umátsu mli imi bwe, atati yílé dudá ntée sika atóá ibu ibiá watɔ. <sup>4</sup>Mboún mliha mli alé itsu mli kluntɔ. Aléá utamayíntá gyí múá ibu alé, ilolwií. Mútehíé gyi Bulu ansí ní. <sup>5</sup>Tsúfé alí kén bímbí ámu atsiá bɔpu amó iwí há Bulu, pú ansí dínká musu bobu amó akúlu, su bɔwa akíle ni. <sup>6</sup>Alí kén \*Sara lóbu mu kulu, oletsíá tí mu ɔbée, “Mí wíe” ni. Mu abí mligyí, ní mlɔbwé yilé, mluménya tɔtɔ ifú.

<sup>7</sup>Alí kén mli ayin é, ní mlta mli aká mlibu unv á, mlibu ání buma awútɔ ɔwɔnlín fé mli. Mliwun amó nwe, amlipɔ obú ha amó. Tsúfé mlta amónyɔ obénya Bulu atokiehé ámúbú igyi nkpa ámu. Mlikuta mli aká tsun ɔkpa ánfisu, méní ní mlidé mpái bɔ á, tɔtɔ méetin mli ɔkpa.

### Ipiánwúun Yilébwé Sv

<sup>8</sup>Utráhe-tráhe a, mli féé mliha mli agywun ubwe kule. Mlisu ha aba, amlidwe mli aba Akristofɔ. Mliwun aba nwe, amliba iwiasɩ ha aba. <sup>9</sup>Mlumápu lalahe ká lalahe ɩkɔ. Ntée ní ahá besíá mli á, mlumásia amó ká ɩkɔ. Mboún mliyula amó, tsúfé Bulu létí mli ání mlibóyulá ahá, méní obóyulá mli. <sup>10</sup>Bɔwanlín wá Bulu asún ámɔtɔ bee,

“Ní ɔku déklé ɔbée, mu tsiátɔ iwá alé,  
otsia ansigyítɔ a,  
mómú osíi ahá iwí asun laláhe blí,  
osi afunu wa.

<sup>11</sup>Osíi lalahe bwe, ɔbwée yilé.

Odúnka iwílwii, ogyáa mú ɔkpa.

<sup>12</sup>Tsúfé Bulu ansí bu yilé abwepúsú.

Ɖteyaa asu nú amó atɔ kulíhé.

Táme ɔtɔkúsú líí lalahe abwepúsú.”

<sup>13</sup>Ma ɔbɔpu lalahe gyi mli, ní mli ansí ipé yilébwesu?

<sup>14</sup>Táme ní uleba ání mlidé ipiánwúun yilébwé sv kúráá á, nwon lává mli olú. Opúni mátsíí mli, mlumánya ɔhaa é ifú.

<sup>15</sup>Mboún mlibi tsu mli kluntɔ ání Kristo gyí mli Wíe, mu iwí letin. Mlída iwísu, méní brégyíbré ní ɔku léfité hógyi ámúbú ibu mlitɔ ámu iwí asún á, mlébi lé mú ɔnɔ wankláán. Táme mlunya klun, amliba iwiasɩ le mú ɔnɔ. <sup>16</sup>Mli klun máha

mli pón tɔtɔ iwɪ, méni ní bude asun laláhe blí tsú mli tsiátɔ wankláán ámú mliɔpu mliɔbuo Kristo amu iwɪ á, péli békítá amú. <sup>17</sup>Ní igyi Bulu apé ání fowúun ipian kúrání á, ɪbu aláá fówun ipian yilébwe su, dun ání fówun ipian lalahebwe su. <sup>18</sup>Tsúfé Kristo é lówu ahá lakpan su ɔtsáwule pé. Mu asún da ɔkpa, táme olowu há lakpan abwepú fée, méni ɔbékpa mli ba Bulu wá. Bɔmɔ mu nyankpusa-oyí, táme Bulu lókusú mu ɔɔtɔ. <sup>19</sup>ɔlɔtsun ɔɔtɔ ámú yéda asún ámu ɔkan há afúli amú buda obu ámu. <sup>20</sup>Afúli amu gyí, ahá ámú bumobu Bulu asún, Bulu lénya klun há amú bré ámú aní náin \*Noa dé dáka kpɔkpɔɔkpɔntɪ sré ámu. Ahá ikwe pé lótsun ntsublá ámú nyá nkpa. <sup>21</sup>Ntsu ánti léli há \*asúbɔ. Alí ámú ahá ámu bɔtsun ntsublá ámú nyá nkpa ámu a, alí kén asúbɔ ánti dé mli nkpa hɔɔ ni. Megyí mli iwɪ ifin asúbɔ tɔfwí. Mboún igyi ipabwií há Bulu ání mli klun idí mli asi, umátrá ha mli pón. Asúbɔ ánti lahɔ mli nkpa tsun Yesu Kristo kusú tsú afúlitɔ ámú. <sup>22</sup>Alayɔ ɔsúsú yétsiá Bulu gyɔpu séi. Bulu-abɔpu, ɔɔtɔ awíe pú túmi kugyíku bubu mu asi.

### Nkpatsiá Há Bulu

**4** <sup>1</sup>Kristo lówun iwɔsun. Mú su mlida iwɔsu mli é, amlipu mu ɔkpa ámu alí kén. Tsúfé ɔhá ání owun iwɔsun lalé mu iwɪ lé lakpantɔ. <sup>2</sup>Íni su ɔmátrá ha ɔwólɪ laláhe igyi musu. Mboún ɔhá Bulu apébwe itsia mu kluntɔ mu nkpa ání ɪlasi ɔyí ánti fée. <sup>3</sup>Asa mlilébemli Akristofɔ á, mliléyintá bré tsɔtsɔtsɔ tsíá bwé tɔá ahá ání bumeyín Bulu butekle bwe. Mú aná gyí; atsi múa ayin asúnwa, ntábu, pléikpada múa ntakpan onúkpa yɔ pú ikpɔswéé ání igyi mli akísítɔ. <sup>4</sup>Itobwíe ɔmátɔfɔ ámu ɔnɔ ání séi mlitráa mlímédésrí buo amú yɔbwe laláhe. Mú sù btesíá mli ní. <sup>5</sup>Táme béle amú bwehé fée ɔnɔ Bulu ansítɔ. Mu ɔbá begyi akɪankpapu pú awupú fée asún ní. <sup>6</sup>Mú sù beyéda Bulu asún wankláán ámu ɔkan há awupú ní. Amú lowu ámu igyi ɪsvá Bulu labítí amú ɔyɔlú, fé alí ɔtebití ɔhagyícha ɪsu. Beyéda Bulu asún ámu ɔkan há amú, méni amú ɔkláa obénya nkpa fé alí Bulu bu nkpa.

### Bulu Atokiehé Kítá Wankláán

<sup>7</sup>Tógyító ɔ́nóɔ lafun ta. Mú su mlíkita iwí, amlíha mli agywuntó idi, méni mlétalí b́ó mpái. <sup>8</sup>Múá idun mú f́éé gyí, mlídwé aba tsu mli kluntó. Tsúf́é ɔ́dwe ánfí odu ɔ́béha mlétalí sí ahá lakpan kíé amú ní. <sup>9</sup>Mlupu ansigyí h́o mli aba Akristof́o af́ó, mli máblí mlíaa ilakpon mli. <sup>10</sup>Bulu lakíé ɔ́hagyíɔ́ha ató ɔ́tsan-ɔ́tsan. Mú su ɔ́hagyíɔ́ha ɔ́kíta mu kletó wankláán, amlipukpa aba. <sup>11</sup>Ní ɔ́ku klé gyí Bulu asónblí á, ɔ́blí asún ání itsú Bulu wá. Ní ɔ́ku klé gyí ahá śúm á, ɔ́pú ɔ́wunlín ámú Bulu lahá mu amu f́éé śúm mu aba. Ín ɔ́béha ahá békanf́u Bulu tsun Yesu Kristosu tógyító. Numnyam múa túmi igyi Bulu klé bré f́éétó. \*Amen.

### Akristof́o Ipiánwúun

<sup>12</sup>Mí apíó adweṕu, mli máha asun wunhe kpónkpónkpón ánfí budepusó mli kí anfi íbwie mli ɔ́nó. Mli máki mú ání asun ɔ́pwe dé mli tu. <sup>13</sup>Mlíha ansí mboún igyi mli ání mlídé Kristo asun wunhe amu ku wúun, méni ansí betrá h́ie gyí mli eke ámú mu numnyam bélin ɔ́wan ámu. <sup>14</sup>Ní ahá bude mli sia Kristo búo su á, idesuná ání nwun lawá olú. Bulu Numnyam ɔ́je Wankíhé amu bu mlitó. <sup>15</sup>Mlitó ɔ́kuku ɔ́máwun asún ahámó, ntée owi, ntée lakpanbwe, ntée okéngyéwa su. <sup>16</sup>Táme ní mligyí Akristof́o su mlídé asún wúun a, umáwa mli péli. Mboún mlíkanf́u Bulu ání Kristo idá dín mlísu.

<sup>17</sup>Tsúf́é bré lafun ání Bulu obégyi ɔ́hagyíɔ́ha asún. Obégyankpá gyi mu onutó ahá asún. Ní Bulu obéfi mú asi tsú anísu á, múmú nkálí ahá ámú búmɔ́hɔ́ mu \*asun wankláán ámu gyi amu klé b́óbwe? Ibéh́ie wá if́u. <sup>18</sup>B́owanlín wá Bulu asúntó be,

“Ní íb́owa ɔ́nlun asa Bulu ɔ́b́hɔ́ yilé abweṕu nkpa á, múmú nkálí íbégyi ha lakpan abweṕu ṕu ahá ání butamabú Bulu é? Iméetepí wá alé há amú.”

<sup>19</sup>Mú su ahá ámú igyi Bulu apé ání buwúun asún ámu buṕu amú iwí f́éé wa amú ɔ́leṕu ámu íbitó, abukíta yilébwetó kínkínkín. Otegyi mu asúnsú brégyíbré.

## Bulu Akúfasu Kú

**5** <sup>1</sup>Séi á, ndeklé mbée, nótóí kplá mliá mligyí ahande Kristo ɔpasuato. ɔpasua ɔhande mí é ngyi. Ntráa ngyi ipian ámúú Yesu lówun amu iwí adánsie ogyípú. Mí é nénya mu numnyam amúú íbélun ɔwan ámu íku. <sup>2</sup>Nde mli kokóli mbée, mliki ahá ámúú Bulu lapúwá mli íbító amusu wankláán fé akúfa ɔkparú. Imábwe mli fé bude mli hie, mboún mlibwe mú tsu mli kluntó alíá Bulu déklé. Megyí sika ɔnsípe su, mboún ɔdweá mlibu ha osum ámu su. <sup>3</sup>Mlimábwe ahá ámúú Bulu lapúwá mli íbító ámu kpóunkpóun. Mboún mltsia tsiátó wankláán ání íbóbwe nfántúhún há amú, <sup>4</sup>méni ekeá Kristo, ogyi akúfa akparú Owíe amu ɔbá á, ɔbéha mli ísugyí-ípa ání íbu numnyam, íméekpa ekekekeke.

<sup>5</sup>Nyasubi múa mbitebí, mli é mliɔu obú há mli ahande. Mli féé mliɔu iwiasíá kpa aba. Tsúfé bɔwanlín wá Bulu asún ámuto bee, “Bulu ɔkósú líí iwí atsupósú, táme ɔtɔwá awítɔle há ahá ání beba iwiasí.” <sup>6</sup>Mú su mliba iwiasí, amlɔu mli iwí wa Bulu túmi kpɔnkɔnkɔntí ámu así, fówun obótsu mli fúá mu bré wankláántó. <sup>7</sup>Mliɔu mli asun wunhe féé wa Bulu íbító, tsúfé ɔtɔgywún mli iwí.

<sup>8</sup>Mlikiita iwí, amlidinka ansí iwísu, tsúfé mli olupú, ogyi ɔbunsám ná odekpoún, odeki fé gyatá, ɔde ɔku dunká ɔkita wi. <sup>9</sup>Íni su mlikiita mli hógyitɔ kínkíínkín, amlitin mu ɔkpa. Mlibi ání mli aba Akristofɔ ání bubu ɔyító féé bude ipian ánfu odu wúun. <sup>10</sup>Táme Bulu híé ɔbu awítɔle há mli tógyítótó. Mólátí mli ba mu numnyamto tsun mliá Kristonyo íkulebwetó. Mu numnyam amu bu unu bré féétó. Ní mlowun ipian kpalobí á, ímɔ́ɔwa ɔpá mu onutó obótsu mli kúsú, há mléyínkí líí. ɔbɔ́wa mli ɔwunlín, há mléle nlín Kristoto. <sup>11</sup>Mubú íwígyí bré féétó. \*Amen!

## Uklá

<sup>12</sup>Silwano létsa mí nɔwanlín ɔwulú kútúklú ánfu sísí mli. Nyin ání opió Okristoyin ogyi, ɔbu ɔnɔkwali. Ndekléá

nówa mli ɔwunlín, mí angyi adánsɛ suna mli ání asón ánfɪ nabláa mli ɔwulú ánfɪɔ fée idesuná ání íni gyí Bulu awɪɔle onutónutó ámu ni. Mlɪkɪta mótó kínkíínkín.

<sup>13</sup>Mli apíó ahógyipu amúú bubu \*Babilon ɔpasuatɔ behá mli itsiá. Mí bí Marko é ɔhá mli itsiá. <sup>14</sup>Mlɪpu aba-ɔdwe amúú ɪbu Akristofɔɔ ámu ha aba itsiá brégyíbré. Nde Bulu kulí mbée, ɔháa mli ahá amúú mlɪgyí Akristofɔ ámu fée iwilwii.